

20/07/1999

Graduan ITM bersama PM

SHAH ALAM, Isnin - Lebih 10,000 graduan Institut Teknologi Mara (ITM) dijangka menghadiri perhimpunan bersama Perdana Menteri, Datuk Seri Dr Mahathir Mohamad di Stadium Malawati, dekat sini 26 Ogos ini.

Pengerusi penganjur perhimpunan itu, Datuk Ibrahim Ali, berkata perhimpunan yang bertemakan `Bersyukur, Berterima Kasih dan Bersatu Demi Bangsa itu', diadakan buat pertama kali bagi menzahirkan sokongan terhadap kepemimpinan Perdana Menteri.

Pada perhimpunan yang bakal dihadiri bekas penuntut ITM yang kini sudah menjadi tokoh korporat, profesional, usahawan, tokoh politik dan pegawai tertinggi kerajaan Dr Mahathir akan menyampaikan ucaptama bertajuk Cabaran Teknokrat Bumiputera Menjelang Alaf Baru.

(END)